

Bucuti & Tara Beach Resorts a ricibi su certificacion di Green Globe

ORANJESTAD — Despues di a pasa un audit riguroso pa di 14 aña consecutivo, Bucuti & Tara Beach Resorts un biaha mas a cumpli exitosamente cu tur e requisitonan pa haya su Green Globe Certification. The Green Globe Standard ta un evaluacion estructura ariba practicanan sostenibel di negoshinan turistico y nan distribuidornan. Negoshinan por monitor nan adelantonan y documenta nan logronan pa asina por yega na certificacion di nan operacion sostenibel y nan management. E proceso aki di certificacion ta uno extenso y ta basa ariba cantidad di criterionan y indicadornan, incluyendo management sostenibel y factornan socio-economico, cultural y ambiental. “Cu nos esfuersonan ariba teeno di sostenibilidad ta cumpli ya 14 aña consecutivo caba cu e Green Globe Sustainability Standard, ta

un berdadero honor”, asina Ewald Biemans, propietario di Bucuti a reacciona. “E Green Globe Certification aki ta mitiva nos pa sigui busca maneranan inovativo pa cumpli y te hasta surpasa cu criterionan y indicadornan cu nan a pone.

Un experiencia pa nos huespednan di calidad halto y practicanan cu ta cuida nos medio-ambiente por co-existi masha bon y esaki ta loke nos resort ta presenta na un manera masha bunita. Nos pasion ta pa protehe y preserva Aruba su recursonan natural y nos kier sigui implementa y desaroya iniciativanan cu ta laga nos haci esaki den añanan cu ta bin.” Ya pa 25 aña caba, Bucuti ta un pionero den e movimiento green den mundo di hospitalidad, mustrand su mes como trendsetter den turismo sostenibel. Bucuti ta



e unico hotel na Aruba cu tin 3 certification di sostenibilidad: ISO 14001, Travelife Gold, y Green Globe, y cu a gana e prestigioso “High Achievement” award di Green Globe pa tur e logronan den reduccion di e hotel su impacto ariba nos medio-ambiente. Staff y huespednan ta coopera den e iniciativanan, entro otro:

- Instalacion di solar panels cu ta wordo uza pa keinta awa pa e cambernan y labamento di paña.
- Uzo exclusivo di papel recicla y limitacion

di uzo di papel unda cu por, incluyendo uzo di email pa manda informacion na huespednan y haci mercadeo.

- Uzo di materialnan di construccion recicla, organico, palo creci na un manera sostenibel y den den cierto caso palo y plastic recicla.

- Uzo extenso di insulacion, glazing, verf reflectivo y bentana cu glas dobel pa reduci uzo di aircor.

- Instalacion di luznan LED y CFL y switchnan di luz automatico den tur area cu menos trafico.

- Eco-rooms y suites ekipa cu sensornan di aircor automatico, dehumidificador, purificador di aire HEPA y den cierto caso ozone generator pa yuda elimina alergia y schimmel.

- Uzo di distribuidornan y productonan local manera cuminda y arte traha na Aruba pa asina reduci

e carbon footprint di e hotel.

- Beach Cleanup di Eagle Beach, haci cada luna dor di staff y huespednan hunto.

- Uzo di biodegradable containers pa cuminda y bebida.

- Cada huesped ta haya un cantina pa yena cu awa regalo pa asina descurasha cumpramento di awa den boter di plastic.

- Bucuti ta habri su portanan pa entre otro scolnan y universidad pa asina nan haya un tour di e resort y siña con pa cuida nos medio-ambiente mihor.

- Instalacion di water reducers y reciclacion di awa di baño, sink y laba paña pa irigacion.

- Uzo exclusivo di productonan di limpieza organico.

Pa mas informacion ariba Bucuti & Tara Beach Resorts bishita www.bucuti.com. □